

Cra. stud. Univ. Szeged.
Promotiones Philo. Ors.
1886. die 6 Aprilis.



3573

Kalkomp.

III.

Mag. St. Dr.

P

Poenya 3056.

Napoleoni Thronum franc: Manubiae triumphales ab
Ll. VV. DD. primae haurae Candidatis ex parte
ignoscantur decurptae.

N

D

R

AR

—
C

478

MANVBIÆ TRIVMPHALES,

AB

Vndecim Venerabilibus Dominis,
Primæ Laureæ Candidatis,

Ex hoste Ignorantiæ

DECERTÆ:

Et dum,

Per Clarissimum & Excellentissimum Dominum,

D. M. GASPARVM
CIEKANOWSKI,

Philosophiæ Doctorem, Collegam Minorem, Astronomiæ
Ordinarium Professore;

In Peraugusta Iagellonis Aula,

Coram Nobilissima Illustrum Hospitum Corona,

ARTIVM & PHILOSOPHIÆ BACCALAVREI,
Ritu Solenni

RENVNTIARENTVR;

Amoris & gratulationis ergo

A

THOMA FRANCISCO NAPOLSKI,

Ejusdem Laureæ Candidato,

Luci Publicæ

PRÆSENTATÆ.

Anno Domini 1686. Die 6. Aprilis.

CRACOVIAE, Ex Officina Francisci Cezary, S. R. M. Illustr.
ac Rndifs. Dñi. Episc. Crac. Ducis Seueriæ, Neenon Schola-
rum Nouoduorscianarum Typogr.

IN STEMMA
Illustrissimi & Reuerendissimi Domini
LVBOMIRSKI.



Pvlchrior Eridani rutilans SRENIAWA fluentis,
Dulcius aurifluo Stemma celebre Tago.
Flumina non refluunt ex hoc; Virtutis honores
Aureus hūc potius nimbus ab axe trahit.
Gange fluit proprio, LVBOMIRSCIA fama per orbem
Gemmiferis meruit cum-radiare-Mitris.
Hoc lauat in fluuio dextras cum Castore Pollux,
Ad cuius ripas Laurea Nostra viret.

STANISLAUS MICHAEL SZEMBEK,
In Alma Vniuer: Crac: Dialecticæ
& Eloquentiæ Auditor.

Illustrissimo & Reuerendissimo Domino;
D. JOSEPHO
Comiti in Wisnicz, & Iaroslav
LUBOMIRSKI,
S.R.I. PRINCIPIS
Abbatiae Tynecensis Administratori
ELECTO, &c. &c.
Domino, & Patrono Amplissimo.



Triumphum honoris Tui, quem in Orbis facie ducis, per tot animorum suffragia Victor; auget quoque Manubijs laureatis, dum sacra Vestigia Tua coronat, nunquam non dilecta virtuti Sapientia. Illustrissime & Reuerendissime Domine. Celsitudo gloriae Tuae, non expectauit annos, ut per incrementa surgeret; vulgare id rata, quod serpit potius, quam assurgit; sed matura virtuti, facta est maturior honori; ut sciret hic magnarum mentium pedissequis, nunquam LUBOMIRSCIIIS teneras esse, quibus se prosternat, etiam tenerrimas plantas. Hoc demum est momentum vincere, quod alijs secula negant: naturae legibus absolui, dum caelo Gratiae urgent: arcana mentium in triumphum ducere, quod solis intelligentijs concessum; quarum Tu utique portio es, ex pulcherrimo nuper votorum pro Te consensu, dum motrix omnium intelligentia triumphas. Quidni igitur opus hoc, quod sola, quae ex Ore Altissimi prodijt, disponitque omnia suauius, Aeterna perfecit Sapientia; humanae quoque sapientiae trophaea laureata coronent? quidni caput hoc Tuum Superis adeo tenerè, quia à teneris dilectum, gratiarum caelestium gemmea grando inundet? ubi SRENIAVA guttas vertit in gemmas; ut si in applausus Tuos suada hominum non exundent, gemmis flumina loquantur. His certè, Illustrissime & Reuerendissime Domine dicendus es, cum dici aliter nequeas; ut potè quem inter selectissimas hominum gemmas, Celsissimis Natalibus protulit Sanguis LUBOMIRSCIVS; Sarmatienè dicam, an Orbis Christiani Vnio pretiosissimus; non ex Erythraei maris profundo, sed ex crystallinis SRENIAWAE fluentis ad Augustissimas Monarcharum Europae delicias, Angelicis veluti, quia Vaticanis manibus translatus. Parere illi Heroas, & gemmas propri-

proprium; ex quibus ut qualibet tota Perside carior sit, sufficit LVBOMIRSCIVM nasci. Hic depositum virtutis; hic Iovis Capitolini cella; in qua non licet, nisi majus homine nomen, auro, gemmisq; signari; quibus Pantheon LVBOMIRSCIVM ad stuporem coruscat; nimirum tota in vno sanguine, Heroum Os, humerosq; DEO similium, & Epitome, & Maiestas. Inde Tibi augusta mentis, & sanguinis purpura; inde Celsissimis Maioribus Tuis digna indoles; inde in pectore adhuc teneriori iam virtutum Senatus; eminensq; ille, & dilectus Superis genius; ex quo tempestiue, iuxta genium caelestem, sapere didicisti; quando spernis, quæ terram sapiunt; DEO adhæsisse, sortis beatissima fastigium putas. Factus es igitur, verè Filius accrescens IOSEPH DEOq; carissimus; qui in veste polymita, pulcherrimis nimirum virtutum floribus distincta, delicias in Te suas & amorem testatus; etiam Natiuæ Principi Tuæ Mitra, novas superaddidit, sed de calo coronas: cum Te Celsissimo Principi HIERONIMO LVBOMIRSCIO, Marechalco Curia Regni, Orbis Christiani Gedeoni fortissimo Patruo Tuo, successorem in Abbatiæ Tynecensis Administratione, unitis animorum suffragiis eligi fecit. Triumphale id Tibi, quod tanto pro fide Orthodoxa Triumphatori succedas, quod ætatem virtute, & honore superes; quod Paterna LVBOMIRSCIORVM, Materna SAPIEHARVM, summa in Orbe Polono, & Lithuano decora, tanto de Te Regum iudicio satis augustus, quia sacrorum à teneris Princeps; vel in Te solo augustiora efficias. Corona hæc, non humanis, sed Diuorum manibus nexa, quæ supra caput Tuum descendit; non vnā tantum frontis Tuæ niuæ sed totam Celsissimæ Domus maiestatem coronat: quā Te dignum censuit, cor & oraculum Orbis Christiani, admiratio seculorum, & æstimationis de Te Crysis maxima Serenissimus, quō contra Orientem non surrexit maior IOANNES; qui Orbi in Te ostendit, quantus deinceps futurus sis; cum Te flos hic, & nondum euoluta purpuræ Tuæ rosa, in oculis tam purpurati solis iam fecerit tantum. Triumphum ergo honoris Tui, cum vota omnium, & applausus sequuntur; Musæ quoq; & Gratia triumphalibus hisce Manubiis, sacra Tibi per me vestigia sternunt, maximo literatorum solatio; quod Palladis Iagellonica, in cuius sinu animum sapientiā excolis, triumphet in Te gloria, & felicitas. Expectant Te profecto Celsissima omnia; quando coronatum tanto honore, gradum facere didicisti; ut non consistas, nisi quo consistere decet, semper LVBOMIRSCIOS in summo. Huc Te animorum triumpho, huc vota omnium, & panegyres ducunt; quod proueneris, DEO auspice fortunatus, satisq; habiturus gloriæ; si longæuus ad Aras rebus Diuinis assistas, gemmis & Tyaris coronatus.

Quod precatur

Illustrissimæ & Rndissimæ Dominationi

Clientis, & Seruus

THOMAS FRANCISCVS NAPOLSKI,
Primæ Laureæ Candidatus.

MANVBIÆ
TRIUMPHALES:

DIVO IOANNI
CANTIO,

Regni Poloniae, & Almae Vniuersitatis Cracouiensis
Diuinissimo Tutelari ac

PATRONO;

Author offert.

*Fulgentem Palladis Galeam; cum qua ex Cerebro Iouis, hostem
sapientiae profligatura, armata prodijt:*

CVM LEMMATE,

Exonerans protegit.

TAurico frustra metuendus ense,
Viribus multum Geticis superbus,
Sarmatas terrens, feritate plenus,
Turca minantur:

Laudibus cesset Galeam tumentem,
Vsq̃ue sub caelos nimium referre,
Desinat fastum super astra Teuto
Tollere dirus.

Adstitit nobis Galeatus Hector,
CANTIVS celso veniens Olympo;
Nostra quem donis veneratur amplis
Cratia Pallas.

Ille pro cunctis Lechiæ cateruis,
Supplicabundis precibus Tonantem
Postulat; nè nos feriant ruinæ
Bistonis atræ:

Protegit, gentis, Proceres Polonæ,
TERTIVM nec non Lechiæ IOANNEM,
Protegit dulcem Patriam fauore
CANTIVS omni.

Tu Polonorum decus atq; splendor,
DIVE, (cui proni damus hæc trophæa
Hostis ignavi, superantis almam
Palladis artem,)

Omnibus nobis Coryphæus esto:
Dux in arcanis validus: patentem
Ianuam doctæ reſera Mineræ,
Corde precamur:

Nè potens hostis queat eruditæ
Palladis nostræ superare vires,
Aut ad absurdum trahat atq; ducat
Eius Athletas.

Laureæ primæ benedic virenti,
Et triumphali faueas Coronæ,
Fac trophæorum Tibi grata cedant
Munera nostra.

Inter Alcidas gladio potentes;
Hectores inter fugientis æui,
O Potens Hector Pater Alme CANTI
Gemma Lechæa:

Ecce fulgentem Galeam Mineræ,
Nos verecundi Tuimet Clientes,
Ad sacros Tumbæ Cineres litamus:
Annue Cælo.

Clarissi-

Clarissimis Excellentissimis & Adm: Rñdis Dominis
DD. EXAMINATORIBVS:

Clarissimo Excellentissimo, & Adm: Reuerendo Domino,
D.M. MATHIÆ BROCKI,
Collegæ Majori, Regio Professori, Canonico
S. A N N Æ, ac interea Philosophicæ Facultatis
D E C A N O.

Clarissimo Excellentissimo & Adm: Rñdo Domino,
D.M. IOANNI BALICKI,
Collegæ Majori, Regio & Cursûs Vladislauiani
Professori, Canonico Sanctæ A N N Æ.

Clarissimo Excellentissimo, & Adm: Reuerendo Domino,
D.M. ALBERTO ZOŁWINSKI,
Philosophiæ Doctori & Professori, Collegæ Mi-
nori, Ecclesiæ Collegiatæ SS. Omnium Canonico.

In vim debitæ gratitudinis.

*Cythara Apollinis; quâ in Helicone Musas contra hostes sapien-
tiæ animat, ut robustioribus animis contra illum irruant.*

C V M L E M M A T E.
Dulcius vincunt.

Quod si bicornî Sceptra tenens iugo,
Apollo Musis præfuit inclytis;
Quem docta Parnassi virentis
Pieridûm comitando turba,

Quocunq; gratos iuerit in locos,
Semper canendo dulcisonâ cheli,
Suum sequebatur Magistrum,

Quam docuit resonare plectro:
Cûi Musa quævis reddere debuit
Censum perennem, pro grauib; sui
Laboris, impensis ab ore;

Dum cytharas Heliconis altas,

Enthusiasmo pectoris arduo
(Mulcens) onoro carmine barbita)
Multum fatigavit ; Lyræque
Vocibus attenuasse fertur.
Ast hæc vetustis fabula seculis
Fuisse quondam dicitur ; in quibus
Lucunda , dulci cum triumpho
Phæbigenium cecinit caterua.
Sed vos secundis rebus Apollines
Nobis præstus veriùs in iugo
Celso Mineruæ : docta nempe
Lumina terrigenis corusca ;
Vos in Licæis Craciadum Sacris
Splendetis amplo lumine : vos datis
Orbi Polonorum coruscas
Palladis , ingenijq. flammæ.
Te Musa nobis docta dedit prius
Togate BROCKI ; qui superemines ,
Inter triumphales Cathedras
Lechiadum , Iagelonis Aulae :
Tu lumen Orbis Palladij micans ,
Tu gemma nostri splendida seculis
In quo perennas purpuratus ,
Ac regimen regis eruditum :
Et si tacerem futilibus labris
Chordisq. surdis ; ipsa tamen canet
Te Musa seclis æternis
Ore Tuo cumulata docto :
Augusta magni culmina Pindari ,
Æquas amamus Laurigero pede ,
Vatumq. Parnassique montes
Ingenio superas sagaci :
Et præter istas Laudis adorneas ,
Te suada grati condecorat Tui
Oris venusta ; Tullianam
Quod referas gravitate suadam.
Perenne Musis Nomen in Atticis
Tuum BALICKI metra canent diu ;
Nostram quod Indolem tenacem
Ad iuga promoveas Mineruæ :
Te summa virtus , Te probitas vehit ,
Ad alta doctæ culmina Palladis ,
Suum IOANNEM gratiosa
Ingenio beat erudito

Minerva

*Minerua Craci: dat tibi Nobiles
 Stagyra dotes; quem Tua splendida
 Exedra Vladislauiana
 Tramite proueniens bienni,
 Ex ore fundit pectore sedulo
 Lechi luuenta; dent Tibi Calites,
 Æterna pro sudore frontis
 Præmia de manibus Tonantis.
 Inter celebres orbe Panegyres,
 Quascunq; doctis Musa dedit viris
 Præclare ZOLWINSKI, resulges
 Inter eas, pietate plenus:
 Augusta virtus nam Tua pectoris,
 Donis Sacrorum fulget eburneis,
 Dotesq; pandit sub Trione
 Craciaco luenum cohorti:
 Intaminatâ mente Stagyritam,
 Et Tulliani fluminis alueos,
 Ex ore mittis eloquenti,
 Nectareos redolens odores;
 Quibus fluentis ore natantibus,
 Dulciq; succo melliflui vadi,
 — Nostras Camanas irrigando,
 Tempore perpetuo virebis.
 Ergo secundi viuite Nestores,
 Æterna terris ducite secula.
 Qui nos creâstis Laureatos,
 Munere Palladio decoros:
 Hac vestra seclis fama perennibus,
 Diu manebit: Iuppiter annuet
 Votis supremus; qui rependet
 Debita pro meritis laborum.*

**I. V. D. IOANNI LAVRENTIO
 FRYCKIEWIC.**

Canonico Regulari, SS. Sepulchri Domini Hierosolymitani, Conuen-
 tûs Miechouiensis Professo.

*Ægis Sacra Palladis, quam in acie, contra inimicos Crucis Chri-
 sti, acquisiuit, ac per dexteritatem eruditæ suis manibus adscriuit.*

C

CVM

CUM LEMMATE.

Hæc Tutior aduersus hostes ibit Athleta.

DVm Te Pieridum sacrata corona recepit,
 Palladiana cohors caput gaudere triumphans;
 Cui nos debemus gratas impendere curas,
 Cui & perpetuos tribuimus laudis honores:
 Nec non Religio cordis solatia sumpsit,
 Ingenuo suffulta viro; quem Cratia Pallas,
 Laurigeram mercede beat, viridique corona
 Condecorat, dignum Magnæ virtutis Athletam;
 Pectora cui Tua consecras & viscera cordis;
 Quando domum sacram summâ pietate celebrem,
 Corde colis pronus, Diuos habitando Penates.
 Te mundo celebrem signat Crux sacra futurum,
 Sanguineo forsan Musarum parta labore;
 Quam gaudet sacrata domus, pro Stemmate vestra;
 Ex nunc illa Tibi sacros demonstrat honores;
 Ad quos ingenij concurrunt præuia Musa,
 Prudenti comitata sopho: cultissima suada
 Ore fluens grato: tandem quoque prodroma virtus
 Inclyte FR Y C KIEWIC miles fortissime Christi,
 In Diua posthac superum Te sede locabit:
 Quod sacrata Tibi promittit Palladis Ægis,
 Noxia tela premens: intus quam tutior ibis
 Hostes aduersus, cunctos sine sanguine vincens.

III. V.D. IOANNI RYKACZOWSKI,

*Hæc Minerva, quam hostem Ignorantia in Campo Sapi-
 entia prosligauit.*

CUM LEMMATE.

Hæc tangit & angit.

MVstea Pegasidum, cum voce Minerva triumphat,
 Applaudit metris Pallas amica Tibi,
 O RYKACZOWSKI! gaudent fastigia vatum,
 Culmina dum Pindi scandere celsa cupis:
 Te Comitem sociumque suum pharetratus Apollo
 Inuitat: Cytharam quatenus ipse canas.
 Te sacra Phæbigenum Laurus decorare vocauit,
 In Te sorte bona Laurea Prima cadit.

Cessabo

Cessabo veterum monumenta referre virorum,
 Nec laudes docti temporis ore canam;
 Tu noua laus sequeris grato resonanda Poëta,
 Qui cadis in calamum dulce canende meum.
 Ex Te Musa decus capiat lagelona perenne,
 Possideat vires docte stagyra Tuas;
 Cuius in arcans euoluere dogmata tendis,
 Committens menti grande laboris opus.
 Hic vigor eximia mentis reuirescat in auum
 Dulce Tuum; toto frondeat orbe decus.
 Ingenij dotes defendat & Hasta Mineruæ,
 Et faciat cultum Musa virere Tuum.
 Hasta Tibi collata ferox disperget acerbos
 Hostes, & grauius tanget & anget eos.

IV. V.D. VALENTINO MALICKI,

Armata manus Mineruæ, cum cuius fortitudine suam dexteri-
tatem & fortitudinem supra Capita ignauorum exercuit,

CUM LEMMATE.

Et Marte & Arte.

O Cyus ad Lechicæ curris Penetralia Musæ,
 Duris rebus amabilis,
 Progenies dilecta Sophi, dilecta Mineruæ,
 Immortale decus Stoæ:
 Surgis ad excelsos Apices virtutis, & augem
 Rebus scandis in arduis,
 Doctas Cecropidum Musas, Lechiæq; Camænas,
 Æquas Pegaseo pede:
 Vndas Pieridum suauis dulcore fluentes,
 In vatibus bibis alueo:
 Affundunt Tibimet pretiosum dogmata nectar,
 Fundunt Pegasides vadum:
 Dulcibus immergunt se se Tua labra fluentis,
 Parnassum comitantia;
 In quo florigerâ Lauri Te Musa coronat,
 Ad cætum referens suum.
 Ergo possideas culmen Generose MALICKI,
 In quo Laurea Te locat.

C 2

Hæc

Hæc manus armipotens telis armata Mineræ,
Dignum monstrat honoribus:
Marte vales etenim, & cultâ præcellis in arte:
Ergò viue diu precor.

V. V.D. THOMÆ SOWINSKI,

Intensus Apollinis Arcus, quò in bicorni iugo gloriatur.

CVM LEMMATE.

Rudes ferire tetendit.

Non sic adictum ferreas parat dirus
Brontes sagittas; quas suo Ioui mittit,
Sauros Gigantes, viribus polum crudis
Celsum petentes obuios, triumphat; dum
Vt conterantur feruidas manus armat.
Non hos Getarum subdolis habent arcus
Gentes pharetris; sarmatas quibus pungunt,
Inter Lechorum regna, Tartaræ gentes.
Non his Apollo gaudet arcubus non his,
Scito SOWINSKI Palladis Nepos grate:
Intensus arcus viribus suis sæpè,
Inter minacem rumpitur viri dextram:
Ast VATIS arcus pectorum leuans curas,
Rumpi nec audet, nec ruit suâ mole;
Sed tangit imò pectoris vices duras:
Tangit Tuarum virium grauem metam;
Ad quam celebris te diu vocat Musa:
Nec non Stagyra ferreus quidem callis,
Sed crede posthac melleum dabit succum,
Et Tulliani Fluminis feret nectar
Dulcore plenum, quod tuæ subest menti:
Fulges celebris splendida Viri luce,
Clarissimi doctissimiq; SOWINSKI,
Qui Te Camenis altius locat doctis,
Summos in auge promouens pio sumptu.
Arcum tetendit splendido grauem neruo
Apollo doctus; quatenus canas metrum
Vt Laureatus candidum decus sumas.

VI. V.D. IOANNI GRYPECKI,

Velox ala Equi Pegasei; quâ etatus in bicipiti Apollinis lugo, citissimis passibus inuidos prudentia hostes aggreditur.

CVM LEMMA TE.
Velox sine mora vincit.

INFelix operis Dedalus ardui,
Tentans fatidicis ausibus Icari,
Ex altis nimum fortè meatibus,
Pertransire vadum Cærulei ætheris,
Demersâ in Sobole sub pelago gemit.
GRYPECKI subitò Pegaseis vola
Alis, non metuens flumina Tullij;
Ad cuius fluuios labere prospero
Passu quantoperè: quas ideò Tibi
Insignis sonipes Pegaseus dedit,
Fontem Pierium Laurigero pede
Feruentem referans in petreo iugo;
Vt promptus volites ad iuga Palladis,
Cyrhæumquè bibas flumen amabile;
Quò potus valeas carmen Apollinis,
A Musis hilaro fundere barbitò.
Splendes laude boni, Magnifici viri
PRZEWOSKI celebris; cuius ad æthera
Ibit fama citis passibus inclyta:
Nam prudens regimen Palladium tenet,
Et clauam vigilem Gymnasij regit,
Musæ RECTOR amans; & sacra CANTII
Patroni Lechiæ Lypsana promouet.
Donat, Tequè beat munificâ manu;
Vt suprema queas dignus honoribus
Ex Musæ gradibus scandere culmina.

VII. V.D. IOANNI LVBONSKI,

Cornu Amalthæ floribus & Laureis repletum; quibus Apollo suos Athletas in Parnasso coronat,

D. 1777. 20. 11. CVM

CVM LEMMATE.
His fragrat docta propago.

QVisquis referret Cecropiæ viros,
Aut magna docta lumina Graciæ,
Laudanda terris, seculisq;
Omnigenis cumulata donis.
Frustra Camænas Argolicas canet:
Necesse non est ut memoret decus
Metro virorum pristinorum,
Aut reuocet calamo celebres.
Sunt in Lycæis docta Cracouia,
Iucunda terris Lumina Lechicis:
Nec indigent Phæbo remoto,
Ipsa sibi melius coruscant;
Sub astra quorum splendida Tu simul
Venis LVBONSKI; sub quibus abditos
Musæ recessus, ac opaca
Perspicias documenta clarè.
Eris Lechæi splendor Athanæi,
Tibi fauebit Laurea Palladis,
Et rebus ornabit secundis,
Ingenio celebris Minerva.
Præclara virtus, quâ superemines,
Sacerq; puri pectoris Entheus,
Honore donabit perenni,
Serta Tibi pretiosa neclens.
Flores Amalthæ, cornua diuitis,
Famæ Tuæmet munificos dabunt,
Queas ut in sæclum vivere,
Florigeras referens Coronas.

VIII. V.D. IOANNI STANISLAO
TARCZEWSKI.

Vexillum Minervæ: sub quo acuentes suum ingenium Iuvenes
Palladii existunt:

CVM LEMMATE:
In hoc trophæo vinctes.

Alexander in Inclyto
Vexillo suimet iussit fabricare columnas,
Nimirum Herculeis finibus horridas.

Sic

Sic Nomen graue proprio,
 Inscriptis Tuimet vexillo, docta Minerua
 T A R C Z E W S K I: vigili cū studio faues;
 Et (tanquam regionibus
 Nomina Romani vexillo picta remotis
 Monstrabant suamet:) mittit in vltimam
 Thulen Musa Tuum graue
 Nomen, fauoratis famam celebrando perennem;
 Quam stipant pariter præmia Palladis,
 Doctis parta laboribus.
 Verus Eques Musæ, gratus milesquæ Mineruæ,
 Tam virtute bonus, quàm studio grauis;
 In Te dexteritas patet.
 Non gladio pugnas, sed ea virtute Mucronis,
 Quam linguæ celebris Musæ dedit Tuæ.
 Cultos mittis aculeos
 Eloquij, loquerisquæ rosas ex ore disertis.
 Iam nunc auricomas accipe laureas,
 Contextas ab Apolline.
 Victor in hoc signo genuinæ Palladis esto,
 Certans armipotens ense sagyritæ.

IX. V.D. ADALBERTO DOMINICO K R V S Z E W S K I,

*Pharetra Apollinis cum sagittis; quibus non solum Pitonem
 in Thessalia interfecit, sed ipsæ inimicas Palladis animas,
 transfixit.*

CVM LEMMATE.
 Ferox contra ardua tela.

Non iactet pharetram dextera Cyprij;
 Quæ terris nimium terribilis manet,
 Bellans contra hominum mollia corpora,
 Vincens magnanimos viros;
 Quæ dantem fidibus iura sonantibus,
 Mulcentem Cytharis dulcia pectora,
 Nimirum celebrem vicit Apollinem,
 Figens spicula corpori:

D2

Vt

*Vi posset nemoris Thessalici Deam,
Diuum perpetuo tempore virginem,
Electam Penei vincere Daphnidem,
Ex qua Laurus erat sacra.*

*Tunc hac efficiunt tela Paphos Dei,
Sed non armipotens arcus Apollinis:
Hic imò socios colligit inclytos,
Congaudetq; sodalibus:*

*Quos ad metra foni dulcia concitat,
Omnes ad pharetram cordis eburnei
Pro telis animos conglobat arduos,
Ut pugnent rationibus.*

*Sentis hanc pharetram Candide KRVSZEWI,
In cuius medio Palladis inclyta
Argumenta latent culta stagyritæ,*

*Nec non dogmata præuia:
Nam citra celebres laudis adoreas,
Præter metra Tui dulcia pectoris;
Quorum muneribus Te sacra reddidit
Plenum Pallas amabilis.*

*Ex Te mellifluo flumine Tullius
Oris nectarei candidus effluit.
Argumenta Sophi tendis in ardua
Hosti Palladio ferox.*

X. V.D. FRANCISCO PODOLECKI,

*Serpens prudentiæ, in cunis Herculeis, significans per laborem, pos-
se acquiri doctrinam & prudentiam.*

CVM LEMMATE.
Hæc industria docebit.

Miserat quondam furibunda Iuno
Herculi, cunis puero cubanti
Fraude serpentem; queat ut tenellum
Ore vorâsse.

*Sed puer fortis Tygridum nutritus
Lacte, robustis manibus repentem
Belluam elisit, tumidiq; fauces,
Expulit Anguis.*

Hic

Hic Tuus serpens datus à Minerva,
O PODOLECKI Comes eruditæ
Palladis, monstrat sapientis oris

Dogmata docta.

Symbolum docti est memoratus Anguis,
Virga Mercuri sacra laureati,
Grande serpentis tenuit Monile,

Hoc decorata.

Est Tibi virtus sapiensq; Musa:
Mente prudenti dominatur Anguis;
Qui docet cultos homines in orbe

Quomodo viuant.

Sic Tuam mentem facias sagacem,
Vt rudes doctæ Iuuenes Mineruæ,
A Tuo discant genio erudito,

Nôsse Camænas.

Hoc Tibi spondet lagelona Pallas,
Conferens pulchram Tibimet Coronam,
Lauream doctæ tribuens Mineruæ

Quâ caput ornat.

XI. V. D. MATHIÆ RATVŁOWSKI,

Herculis Claua; quâ Pallas sub suam potestatem subactâ, Mon-
stra Ignorantiæ in publico eruditi mundi theatro profligauit.

CUM LEMMATE.

Non solum Lernea monstra.

Hucusq; letas Herculis ferox claua,
Aures fatigat, laudibus suis plena,
Vatum digna Panegyri.

Quod hâc seuerus Lernei furor monstri,
Ex orbe pulsus, dexterâ graui tactus,
Alcidæ domitus manu.

O RATVŁOWSKI cernito vices clauæ,
Mundo potentes; Herculis viri magni;
Quæ collata Tibi vide.

Hanc non Merona, protulit nemus, clauam,
Nec Tanagrensis cultior dedit sylua;
Nec lucus tulit Hercinae:

Hic

E

As

*Ast ex profundo Palladis Tuae limbo,
 Hanc Musa clauam grandibus viris aptam,
 Magnis rebus idoneam,
 Donauit; ut Tu Regios geras mores,
 Clauaq; forti splendidam regas mentem,
 Ut sit digna Curulibus.
 Hâc subiugabis nescias manus hostis,
 Nec non stagyram fortiter grauem vinctes,
 Ut menti faueat tua.
 Sis Tulliani victor Eloqui felix,
 Ignaua mentis candida feri monstra,
 Doctam suscipe Lauream.
 Non monstra solum Lerneæ ferit syluæ
 Hæc Claua; verum Palladis Tuae doctæ,
 Hostes concutit inuidos.*

II. V. D. FRANCISCO THOMÆ
 NAPOLSKI,

Primæ Laureæ Candidato Authori operis.

*In signum mutui affectûs & gratulatorij applausûs, Bellerophontis
 lanceam, quâ Chymera monstrum occidit.*

CVM LEMMATE
 Penes Te victoria maior

V. D. FRANCISCVS PODOLECKI,

Eiusdem Laureæ Candidatus Offert.

A Vdax Bellerophon non timet aggredi
 Monstrum terribile, est conscia mens cui
 Virtutis solidæ labe rubescere,
 Expers & maculam pati:
 Tendit per medias ire acies hic, &
 Scandit per, rapidæ, sæua, Chymera, Equus
 Ora eius; tamen haud vincitur ille, sed
 Vincit, bellua dum cadit.
 Illi nulla grauis mors venit ex eo
 Congressu; spoliū bellua nam fuit:
 Laus quod sustulerit monstificum scelus,
 Palmas ex acie ferens.

Tali

Tali cinctus ades præsidio, comes
 NAPOLSKI Cracio gratus Apollini;
 Alter Bellerophon monstra quod artium
 Vincas pectore nobili.
 Tu nobis Cytharis dulcè sonantibus
 Applausum tribuis: Tu Capitolium
 Phæbi cum spolijs, dum referas; patent
 Nobis munera Palladis.
 Ergo nos, animi plausibus, hoc Tibi
 Acceptum ferimus, vatibus Æmule;
 Vt fias Patriæ gloria splendida
 Musarumq; virens decus.
 Cedat prima Tibi Laurea Palladis:
 Sit merces, sit honos, sint Tibi præmia:
 Pectus continuet Pierius calor,
 Scandas culmina Pindari.



SVB FELICISSIMIS AVSPICIIS,
Magnifici Perillustis & Admodum Reuerendi Domini,
D. M. FRANCISCI
PRZEWO SKI,
 Sacræ TH: Doctoris & Professoris, Collegæ Maioris, Ecclesiæ
 Collegiatae S. ANNÆ Decani, Scholastici Curzelouiensis, Curati
 Zielonecensis, Procuratoris Canonizationis B. IOANNIS CAN-
 TII, Contubernij Hierosolymitani Prouisoris, Almæ Vniuer-
 sitatis Cracouiensis Generalis & Vigilantissimi
R E C T O R I S.


Tali cingus ades praedictis, comes
 N A P O L S K I C i a c i o e r i t a s A p o l l i n i;
 Alter Bellesphorion montis quod artem
 Vincas pectoris nobili
 Tu nobis Cythere dulcis iocundissimus
 Appellatum tribus: Tu Capricornum
 Tibi cum spoliis, dum cleras; parent
 Nobis munera salubris
 Ergo nos, animi planities, hoc Tibi
 Accipimus letitiam, variis Amul;
 Ut has Patrie gloriis splendida
 Multarum virtus decens
 Cedat prima Tibi Laureae vallatis;
 Sit merces, sit honos, sit Tibi prima;
 Regis continet prius calor
 Scandens culmina findat



SUB FELICISSIMO AUSPICIO
 Magnifico Praefecto & Almo Rectori Domini
 D. M. F. R. A. N. C. I. S. C. I.
 P. R. A. E. S. E. N. S. I. S.
 Sacre Theologiae Doctoris & Professoris Collegii Majoris, Ecclesiae
 Collegiae S. A. N. A. E. P. A. N. S. S. C. H. O. L. A. E. C. C. L. E. S. I. A. E.
 Z. I. O. N. E. N. S. I. S. P. R. O. C. U. R. A. T. O. R. I. S. S. C. H. O. L. A. E. C. C. L. E. S. I. A. E.
 T. H. C. O. N. S. E. R. V. A. T. I. O. N. I. S. H. I. S. T. O. R. I. A. E. C. C. L. E. S. I. A. E.
 H. A. S. C. A. T. O. R. I. S. C. O. N. S. E. R. V. A. T. I. O. N. I. S. S. C. H. O. L. A. E. C. C. L. E. S. I. A. E.
 R. E. C. T. O. R. I. S.

Mag
D
P
Sacre T
Collegi
Zion
Th

Biblioteka Jagiellońska



stdr0024743

